


VITAE
S. PANCRAII
MARTYRIS

Libri Duo.

AVCTORE HENRICO CHIFELLIO
I.V.D. ANTVERPIENSI.

^{MVM} AD ILL. ^{MVM} ET REV. D. D.
DON LVDOVICVM
DE TORRES

TT. S. PANCRATII
S.R.E. CARD. MONTISREGALIS,
S.SED. APOST. BIBLIOTHECAR.



ROMÆ, Apud Stephanum Paulinum. MDCVII.
Superiorum Permissu.

3

10

1701

101

ILL.^{MO} AC REV.^{MO} D. D.

DON LVDOVICO

DE TORRES

TIT. S. PANC RATII

S.R.E. CARD. MONTISREGALIS:

Henricus Chifellius S. P. D.



Accipe, CARDINALIS
AMPLISSIME, poema
tibi iure debitum, promissū,
compositum. Illius, cui tam
splendido apparatu, structu
ra tam regia, tam immensæ molis templa
constituis, vitæ necemq. describi, tibi gra
tum ambigere non potui. Quod hucusq.
progressus sit audax animus, benignitati
tuæ tribues, ipsa vultus serenitate nō ad
hoc inuitante modò, sed impellente. Neq.
tamē temeritatis pœnas recuso, vtinamq.
ea sufficiat, qua perpetui carceris loco in
illa tantis à te sumptibus congesta Mon
tisregalis bibliotheca detinendū iudice
tur! dulci profectò pœna plexum putem.

† 2 Sed

Sed quid carcerem dico augustissimum
illud scientiarum omnium domicilium?
quid pœnam voco quam præcellētis gra-
tiæ, fauoris eximij, amplissimi honoris no-
mine deceat prædicare? Florent in ea, vi-
gent ac triumphant tot sæculorum labo-
res, tot monumenta veterum, tot præcla-
rissimorum ingeniorum sæcundi partus
temporum iniuria iam penè extincti, nec
alibi fortasse terrarum reperiendi. Nihil
certè nihil est in quo non eluceat magna-
nimitas tua, in quo non clarè videatur
publica orbis yniuersi desiderata, & pro-
curata vtilitas, in quo non erumpat ar-
dentissima pietas, in quo non manifestis-
simè celebranda appareat admiranda be-
nignitas. Qua vti soles munus hoc meum
qualecunq. sit excipias rogo. Vale.

VITÆ
S. PANCRAII
MARTYRIS.

Liber Prior.



GRANDIA magnanimi teneris fir-
mata sub annis

Robora, & aduersis multùm pulsata
procellis

Inconcussa tamen, nisi quæ obnoxia virili
Auspicor. Ille tuos immensa per æquora cursus,
Calliope, tua vela reget: patet ecce quietæ
Trames aquæ, solitæq. manent vestigia cymbæ.
Non imis excita vadis resonantia ponto
Murmura, non Schyticis Boreas glacialis ab oris
Afsuerum turbabit iter: quin ipsa furentes
Scylla vorax succincta canes latrantia prefsat
Gutturæ, cristatosq. vetat sorbere dracones,
Tuq. etiam vasti domitor Neptune profundi
Æolias hyemes tempestatesq. sonoras
Imperio minitante premis, magniq. potentes,

A Cui

2
Cui nitor , LVDOVICI animos, & clara vereris
Stemmatu, & augusto radiantia lumina vultu.

Iam Martis strepitu, belli terrore fugato ,
Vndiq. tranquillis iam per tot sæcula rebus ,
Florebant in pace Phryges , placidoq. meabat
Flumine , sanguineas nec propellebat in æquor
Xanthus aquas , Simoisq. altæ de montibus Idæ
Irriguos grato perlabens murmure campos
Ibat ouans , veteresq. diu desueta labores
Arua , licet cupidi , superabant vota coloni .
Florebat longè ante alios ditissimus agris ,
Diues opum , fuluo diues Cledonius auro :
Ter felix si sæcli huius peritura bearent
Gaudia , sed sancto foelix ante omnia nato :
Cum placitis inimica bonis consortia vitæ
Dirimit, & medios abruptit coniugis annos
Parca ferox : Ille extremo iam proximus æuo
Solatur moestam puero ludente senectam :
Cum tandè lenibus (neq. enim grauioris egebat)
Natura afflictata malis obfistere morbo
Nescit . & ambiguo vires discrimine nutant ,
Fratrem ad se natumq. vocat dein voce refracta

Fle-

Flebilibusq. sonis (obfederat vltima sensus
 Anxietas) hæc verba dedit. Spes vnica nati,
 Et columen germane domus, tibi tota meorum
 Incumbit fortuna, graui defessa senecta
 Membra exhausta vides, & longis languida curis:
 Corda labant, vox ægra cadit, tenebrescere cernis
 Lumina, & exiguus vixdum spiramina nutrit
 Spiritus, & nigra sensim conuoluo in vmbra.
 Quid restat? quid adhuc superest nisi tempore lassâ
 Exhalare animam? tant ecce in limine portæ
 Cymba parata oneri, atq. horrendæ mortis imago:
 Pancratius (nimis ò tenera atq. infantilis ætas!)
 Pancratius lux vna mihi, spes vna senectæ
 Deferitur, patrioq. miser diuellitur ore:
 In te tota salus, lacrymis precor aspice largis
 Stillantes oculos atq. in tua lumina fixos
 Infantis vultus, genibus enaspice, supplex
 Accidit, & paruos tua tendit ad ora lacertos:
 Per lachrymas germane istas, patriosq. Penates,
 Per nomen germani oro, per cana precantis
 Tempora, communesq. ortus, per siquid amores
 Amborum, sanctiq. valent pia foedera nodi,

4
Per si quid fratrem esse iuuat, per deniq. fratris
Singulantē animam, extremaq. in morte labores
Obestor, cura ista tuis non infima curis
Addatur, earumq. regas germane nepotem
Fraterno affectu: sunt rura patentia nobis
Per campos, scis ipse, Phryges, sunt deniq. pulchro
Diuitiæ in Latio, Tyrrhena vbi murmure grato
Æquora fastosas exceptant Tybridis undas:
Intactum serues puero quodcūq. meorum
Iudicio committo tuo, sic lumina claudam
Tranquillus, Stygiaeq. libens penetrabo paludes.
Sic ait, At contrā vultu germanus amico
Pro re pauca refert, moestiſq. ita vocibus infit.
Concordes animi, fratrum concordia semper
Pectora, mente pares, paribusq. per omnia votis
Viximus, & sanctum tot iam per tempora foedus
Intactum seruamus adhuc, rarissima fratrum
Exempla, at nunc (ò falsi pereuntia læcli
Caudia!) nunc animæ medium mors inuida nostræ
Natura sic dante, rapit; postq. illa perennis
Pignora amicitiae, post tot foeliciter annos
Fraterno exactos animo, dulcissime fratrem

Destituam

5^o
Destituam frater metuis ? quidnam illa supremis
(Hæc doleo !) lamenta malis, quidnam anxia cura,
Et querulis vox mista sonis carissima pulsant
Pectora ? pelle metus, tuus ecce in funere moesto,
Ecce tuus, velut ante fui, tua corde sub imo
Vora meo, tua sollicitus præcepta recondo.
Pelle metus, iterum dextra te supplice frater
Flagito, ni primos mauis geminare dolores.
Mutua quod clamat pietas, quod foedera vitæ
Quodue parens natura docet, mihi credito, fixum
Fixum animo immotūq. sedet, curabo quod optas
Atq. tuam seruabo ista sub imagine vitam.
Respice languentes oculos, en membra liquore
Moesta fluunt, certantq. tuos æquare dolores.
Respice anhelantes vultus, lachrymasq. per istas
Manantes sine fine genas, & cætera prudens
Mente agites, vtinamq. oculos in corda daretur
Condere, fraternaſq. intus deprendere curas.
Ne dubita, sum frater adhuc: En pignus amoris
Dextera, perpetuumq. animi certissima fidi
Inditia. Hæc dicens dextram protendit, & imo
Singultus de corde dati verba vltima truncant.
Lamq.

6.
Iamq. labant animi, tenuisq. in corpore virtus
Pergit in occasum, & lentè trepidantia linquit
Viscera, sic titubans paulū tamen illa morata est
Fratris ad eloquium, modicumq. est visa renasci.
Stat puer ante thorum decimo nō grādiō anno,
Et fletu tenera ora rigat, stat cara parentis
Pancratiū cura atq. dolor, cum lassā relinquens
Membra senis, vacuas concessit vita sub umbras.
Tum demum vario resonans tectū omne tumultu
Moestitiæ noua signa dabat: Stat pectore forti
Frater, & immēsum cōdens sub corde dolorem,
Solamen plangentis erat: quippe omnia tandem
Sub leges mors atra vocat, quippe aucta senescūt,
Orta cadunt, longis animum satiauerat annis,
Optabat iam posse mori, quippe vna senectæ
Illa quies, vna annosis solatia membris.

Interea cārō multum inuigilare nepotē
Germaniq. preces vocesq. in morte sup̄remas
Non vanas cecidisse facit. Iamq. arida Cancrī
Flamma suos æstus, & noxia lumina campis;
Atq. suas ter bruma niues iterauerat, vnā
Crescentes animos, generis monumenta paterni,

Et

Et tenera tantos miratur in indole sensus .
 Iam primos mutare locos, & clara per orbem
 Moenia Romulidum, magnæ miracula terræ
 Lustrare, & dudum stabiles ibi figere sedes
 Secum agitat ; paruum tandem, sua corda, nepotē
 Admonet, & longo quæcunq. accommoda cursu
 Apparat : Ægæo Troas contermina ponto
 Diuitijs populoq. potens, portuq. frequenti
 Nota iacet, vastis Troiæ celebrata ruinis :
 Hanc adit, & dubijs præbentur carbasa ventis .
 Sæcte puer, quo vela moues ? quod cedis in æquor ?
 Quas terras, quæ regna petis ? i mente serena
 Inuictōq. animo, laudatæ encomia palmæ
 Acceleras, pulchrosq. parat tibi Roma triumphos.
 Iā longè Methymna ferax, & Sapphica Lesbos,
 Et Scyros latebræ Æacidæ, fallaxq. Caphareus,
 Et longè Phæbæa Chios, Iam Tenos, & Andros
 Ereptæ ex oculis, pontoq. enata repente
 Delos, & Ismario Naxos carissima Baccho .
 Hinc procul exurgit cētum celeberrima quondā
 Urbibus, & falsi lactatrix Creta Tonantis :
 Hinc Pelopis regio, Graiū incunabula Regūm

In pelagus protensa iacet , iam tuta patescit
 Nauplia, & Argolicas surgēs Epidaurus in vndas.
 Hinc Malea aduerso ventorum turbine nautis
 Infesta, hinc Veneri gratissima tecta Cythera :
 Tænariæ fauces illinc , & prisca Coronæ
 Oppida , & Emathio Methone infausta Philippo ;
 At parte ex alia quamuis per litora florens ,
 Interiora tamen nigro perfusa veneno
 Detegitur Lybia, & viduati flumine campi :
 Vritur æthereis tellus exposita fauillis ,
 Non frutices, non herba virent, non arbor opacas
 Sparsa comas, medios infringit frondibus æstus :
 Hinc quinas cōplexa vrbes mare prospicit altum
 Cyrene , & tectas aduoluit Syrtis arenas .
 Iamq. in conspectu summi saxa alta Pelori ;
 Latrantēsq. sinus , ratibusq. inimica Charybdis ,
 Et modico seiuncta freto Scyllæa notantur
 Litora , cū tumidi sensim spiramina venti,
 Et motas mare tollit aquas, cælumq. recondunt
 Nubila , & albenti tellus modo visa sub vnda
 Tota latet, fugit infaustas iam nauita fauces ,
 Et Lybiæ propiora legit : manet altera mortis

Laurca

Laureæ, spumofumq. vetat Deus ire sub æquor.
 Iam Leptis, Syrtisq. minor, divesq. Lyæo
 Surgebat Tácape, & Melite quafi condita ponto;
 Cum venti pofuere minas, alijsq. reclusis
 Æolus optatis Austros commiscuit Euris:
 Hinc læua de parte fedet patria inclyta Regis
 Sidonij, iacet immenſis ſpectanda ruinis
 Carthago terror Latij, iacet ardua moles
 Murorum, ſummoq. hærent contermina Cælo
 Rudera, & informis longo per litora tractu
 Conſpicitur facies, veteris veſtigia pompæ.
 Cum tandem Libyco ſpirante valentius Austro,
 Ultima Trinacriæ raduntur litora terræ,
 Et latè ſaxoſa patent, vbi tollit in altum
 Vrbs Lilybæa caput magnæ dans nomina rupi.
 Hinc Drepani portus, Erycisq. cacumina montis,
 Panormumq. vetus, vicinaq. præta iacebant:
 Huc ſimul ac nitidos paruos flexit ocellos,
 Subſtitit attonitus, gratuſq. per ima cucurrit
 Oſſa ſtupor, vultuq. notans patula arua ſereno
 Exultat, totumq. tenent abſcondita pectus
 Gaudia; quippe animas ſacro ſeruoꝛe trahentem

Zelantemq. gregis, celsumq. in TVRRIBVS altis
 Monstrantē genus, & splendorem stemmatis, istas
 Pastorem recturum oras, qui sponte locaret
 Tempia excelsa sibi, velata in nube videbat.

Iamq. omni tellure procul Tyrrhena secabant
 Æquora, & vndiugo fluitabant carbasa ponto,
 Cum tandem longo lassata per æquora cursu
 Romanas arces æquata palatia Cælo
 Prospiciunt, & foelici Tyberina meatu
 Ostia tuta legunt, læti tolluntur in altum
 Clamores, festisq. redondat plausibus æther.

Feruebat sancto nondum saturata cruore
 Ingluies, quocunq. oculos flexisse parabant
 Vel sanguis vel corpus erat, dirumq. furebat
 Exultans sævas Diocletianus ad aras.

Vidit, & obstupuit tantarum in imagine cædum
 Pancratius, iamq. internam præfagia mentem
 Prima mouent, tacitusq. animis illabitur ardor,
 Et vitæ melioris amor, vix ora tenelli
 Singultus, lachrymasq. oculi tenuère calentes:
 Hæret in ambiguo, paulumq. in corde moratus
 Mētē aperit patruo, Quibus ille, O magna potēs
 Chri-

11
 Christigenum secreta Dei, calor igneus idem
 Iamdudum coquit, & venas penetravit ad imas
 Talibus inter se conceptas pectore flammis
 Exagitant, longo cum tandem calle paratos
 Devenere locos, paruos vbi Cælia colles
 Attollit regio, atq. humentes prospicit Austros.
 Fortè superborum fugiens crudelia Regum
 Iussa trucesq. minas, istis latitabat in oris
 Christicolum Pater, & sanctæ spes plurima gētis:
 Ne scia fama tegi subito penetravit ad aures
 Amborū. Iam tempus adest, promptissimus inquit
 Pancratius, iam tempus adest secreta Parenti
 Pandere consilia, & sacratæ accedere turbæ;
 Eia age dū, nō vana loquor, monita almā Tonātis
 Interiorem animam, & totos in talia sensus
 Extimulant, disrumpe moras, dum cōmoda fandi
 Tempora, & inquirant animos cælestia nostros
 Munera. Sic fatus patruum iam talia secum
 Voluentem ad pulchros animat feruentior ausus.
 Nec mora, conveniunt ad sancti tecta Parentis,
 Inquiruntq. alacres, humilesq. admittier orant,
 Cōspectoq. sene; En geminas, Pater optime, cæcis

11
Immerfas tenebris animas, en luminis almi
Expertes, ipsaq. poli qua vivimus aura
Indignos, liceat fidei mysteria sacrae
Et leges agnosse pias, & vera Tonantis
Dogmata; perpetuo dignissima dogmata Caelo:
Urget amor, simul & pietas, spectabilis urget
Relligio, & sperata salus, en supplice fletu
Voluimur ante pedes, petimusq. in fonte renasci,
Vrimur, ardentiq. calent penetralia flamma.

Talibus orantes, lachrymisq. per ora volutis
Conticuere, alma gaudens cum talia reddit
Maiestate senex: Sacrae purgamina lymphæ
Ne dubitate dari, gremio pia mater aperto
Accipit, & sanctos Ecclesia prompta lacertos
Continuò diducta, pio complectitur ad se.
Vertentes animo, summi nam Rector Olympi
Quem Cælum, tellusq. capax, & pontus, & aer
Factorem agnoscunt, vultu pia corda sereno
Excipit, atq. humiles ignorat spernere fletus,
Excipit, & celsa magno super omnia Caelo
Victores in sede locat; Ille omnia solus
Dirigit, æternum fuit, æternumq. manebit:

Ille

Ille hominum clemens culpas miseratus iniquas
In terras summa natum demisit ab arce,

Humanos artus Deus vt de Virgine pura
Indueret, poenasq. etiam pro fontibus insons
Penderet: O grandes æternæ mentis amores !
Digna Deo pietas ! agite ò fortissima Christo
Pectora, & æternis iamdudum incensa fauillis
Continueate animos, vera est quæ pergitis almæ
Semita iustitiæ, magni porta ardua Olympi !

His dictis casus animos confirmat in omnes,
Edoctosq. satis legis sanctissima veræ

Dogmata, bis decimo demùm post sole sacrato
Fonte lauat, pariter famulorū immensa sequuntur
Agmina, falsorumq. iuuat figmenta Deorum

Contemni. Vix ipsa pij sua gaudia Patris
Corda ferunt, supero cum fixus lumina Cælo
Taliam voce refert : O qui fortissima legis

Fundamenta tuæ contrà aspera tela potentum,
Cōtrà omnes mūdi fremitus, cōtrà horrida Regū
Fulmina, & atrocis nigrantia limina Auerni
Pondere libraſti ſtabili, quam grandia rerum
Omnipotens ſecreta foues ! medioſq. per æſtus

Vnda-

Vndarum, & tumidi sinuosa volumina ponti,
 E medijs mundi tenebris cultuq. nefando
 Ad tua regna vocas! quàm grandis corde sub imo
 Feruor erat! quantus pueri splendebat in illa
 Fronte decor! quàm pulchra pio residebat in ore
 Gratia! quàm sancta radiabant lumina flamma,
 Ardent igne tuo, superùm Pater, inclyta firma
 Pectora perpetuos dudum sitientia fontes,
 Diuinog. sacras nutri spiramine mentes.
 Crescat in immensum vasti per compita mundi
 Gloria Christigenum, crescant sanctissima legis
 Semina, & ingentes pandens per sæcula ramos
 Pondere fixa suo, & valido fortissima trunco
 Perstet, & æthereas arbor consurgat in auras:
 Vincis, & infernæ monstra exitialia gentis
 Orbe procul, Rex magne, fugas, latissima sancti
 Principia Imperij, & cunctas diffusa per oras
 Dogmata, & aliorum videor diademata Regum
 Ante tuos spectare pedes, dulciq. potentes
 Supposuisse iugo, & fastu resonante superbas
 Cervices flexisse tibi, furibunda Tyrannum
 Scruat in sanctos rabies, nil impia contra

Diuina n

15
Diuinam valet illa manum , Regisq. tremendi
Fulmina, suppositum quatientia fulmina mundū,
Exedat internos animos, ardeat in horas
Ira magis , rabidoq. fitis in corde cruenta
Æstuet, ingentemq. diu collecta per orbem
Conferat , atq. nouis acuat tormenta piorum
Ingenijs, supero venient solamina Cælo ,
Conteret infauustos arcus , confringet, & vret
Arma Deus , durum est magno certare Tonanti

Finis Libri Prioris .



Vitæ

VITÆ
S. PANCRAII
MARTYRIS.

Liber Posterior.



VALIA Dictæos Hebri lambentia
campos
Flumina, parua prius Rhodopes demis-
sa niuosæ

Rupibus, exiguo perstringunt murmure ripas,
Mox amnes, gelidasq. niues, glaciesq. liquatas
Excipiunt, vndasq. mouent, sparguntq. per agros
Cum sonitu, primoq. negant discurrere lecto,
Tum pompa sinu latè diffusa superbos,
Ægæos rapido rumpentia gurgite fluctus
In patulum valido spatiantur turbine pontum;
Tales fidereis succensi viscera flammis
Ad Cæli sanctos adytus iam fonte renati
Crescebant virtute pari, non vlla dierum
Lux abiit sine luce noua quæ fulgida coepris
Incrementa daret, non vnquam roscida bigis

Emi-

Emicuit Aurora suis, Phæbusq. feroces
Exiliens concussit equos, quin sancta duorum
Corda nouis magis atq. magis splendētia formis;
Et flammās videre nouas, retinacula donec
Truncaret sanctæ patrui Parca inuida vitæ,
Et magno sonitu, magna stipante caterua,
Angelico comitante choro, perrumperet altos
Pancratiū mortis scopulos, proprioq. paratus
Sanguine perpetui peruaderet ardua Cæli
Culmina, & egregios vana de sorte triumphos
Duceret. Interea meritos deducere in astra
Mens diuina parans, patrum ad quæcunq. paratū
Læthiferæ febris morbo configit acuto.
Hinc virtus quod pressa magis confurgit in altum
Fortius; angores, longosq. immobilis, æstus
Sustinet, & lento pereuntes lumine Soles:
Cum tandem lassæ cernens decrescere vitæ
Reliquias, oculos optata in morte natantes
Attollens ad celsa poli, sic voce precatur.
O cui quodcunq. est Cælo terraq. creatum
Sub pedibus, Rex alte, iacet, quem parcere cunctis
Delectat, calidosq. iuuat non temnere planctus.

Qui

18
Qui media de morte animas, mediūq. per æquor,
E medio Phrygiæ gremio, & caligine cæca
Duxisti incolumes, & sacrae lumine legis
Lustrasti immeritas, tribue exuperare labores,
Et placido da fine frui, paruumq. nepotem
Pancratium tua dextra regat, vastasq. per vndas
Æquoris, & sævas omni de parte procellas
Deferat in tutum tua summa potentia asylum.

Sic ait, & placido componit lumina vultu,
Et volat in superas Cælorum spiritus auras.
Moerebat sublata viri solatia sancti
Pancratius, solum sese in crescentibus annis
Destitui, non ille tamen iam promptus ad almi
Præmia martyrij, & magnum quid spiritus ardēs
Defecisse valet: constanti corde dolores
Excipit, & quæcunq. alia ad maiora paratur.
Haud aliter quàm cùm patulis lous ales in aruis
Venantum insidijs medio interclusa volatu
Deserit attonitos abrupto in vertice foetus:
Illi autem generis memores ductore remoto
Nondum altos deiecti animos, attollere tentant
Corpora, nec dubijs metuunt se credere pennis,
Nec

Nec, modò sollicito mater quas vngue vehebat
 Magnanimi solitas dubitant auertere prædas :
 Sic animos medio rerum discrimine firmans
 Pancratius pergebat ouans, cum pectore forti
 Et mores iuuenum, & iuuenum comitantia mores
 Vicit, & excelsas quatiens super impia pennas :
 Consilia & vitæ illecebras, euasit in altum
 Æthera, & è vastis pelagi stridentis in auras
 Exiliens emerfit aquis. Iamq. impia cunctis
 Barbaries grassata locis in sanguine iusto
 Ludebat, quantoq. magis fera funera in omni
 Crescebant cumulata foro, tantum ipsa cruoris
 Crescebat sitis, atque animis feruebat in imis.
 Fama volat (neq. enim furti Christi arma gerebat)
 Pancratium superesse neci : Volat ocyor Euro
 Turba ferox, famamq. suis quasi cursibus anteit.
 Qualia, cum subita micuerunt nubila flamma,
 Tela trifulca Iouis prius ac fragor occupet aures
 Perstringunt oculos, celeriq. volumine eodem
 Viuida prætereunt prius orta tonitrua Cælo :
 Nobilitas excelsa mouet spectandaq. stirps
 Gloria, Cæsareas iuuenem deducere in arces :

Raptatur sævis in barbara testâ lacertis,
 Non tamen ipse rapi patitur, sed promptior ante
 Emicat, & teneris raptantes passibus æquat.
 Sicut in optatos dum post iuga tristitia passus
 Pergit equus, non æqua valens vestigia mannus
 Ferre patri, gressusue pares, magis ipse laborat,
 Et passus celeri glomerat pede, & ocyor ante,
 Ad latus, huc illuc, omniq. à parte frequenter
 Curstat, & viridi pariter saturatur in herba.
 Corde calet præstatq. animis, exultat in ipso
 Spiritus, & sacre gliscunt sub pectore flammæ,
 Quæcunq. est mora longa nimis, celereq. retērat
 Accelerare gradus, properantiaq. agmina lentos
 Conqueritur traxisse pedes: cum regia tandem
 Testa subit, diros aditus, & Cæsare coram
 Siftitur: obstupuit vultu defixus in almo
 Cæsar, & Angelico splendentia lumina Sole
 Offuscant oculos, & regia frontis imago:
 Hæsitat, & tantos in tam iuuenilibus annis
 Miratur superesse animos, tam grandia rerum
 Pondera, tam duros tenera ceruice labores
 Posse pati, tandem blandis ita vocibus infit

Tunc

Tune etiam formosē puer stultissima sectans
 Dogmata, tune etiam infoelix infringere tentas
 Imperij pia iussa mei ? metire quod audēs,
 Et iuuenilem animum nec adhuc ad talia sensus
 Compositos, nec adhuc tectas lanugine malas,
 Consilijq. inopem paulum metire iuventam,
 Ne sūmū pręsume louē, & reliquā agmina demēs
 Irritare Deū, cernunt mortalia iustis
 Sublimi de sede oculis, & vindice dextra
 Fulmina missa volant, & quō magis illa morātur,
 Hoc grauius librata cadunt. En aspice dotes
 De Cælotibi collatas, en ipsa decoros
 Effinxit Cythereia oculos atq. ora superbois
 Inuidiosa Dijs, supremæ culmina formæ
 Contulit huc, simul & vires exhausit, & ecce
 Diuino tetigit foelicia corpora furo
 En Regina Deū fausta solatia vitæ
 Thesauros largita tibi, & nisi maxima spernis
 Munera, prudentes dederat Tritonia sensus,
 En magnus Rector Superum, quem sidera adorār,
 Quē maria alta tremūt, sūmo qui fulmina Olympo
 Imperio minitante iacit, arrisit ad ortus

Parue

Paruetuos, pariterq. omnes foelicia iussit
 Omnia, & insolitas vno hoc in pectore dotes
 Accumulare Deos, & si mens grata Parenti
 Thura dabit, longis promisit viuere sæclis.
 Sis formæ decorisue memor, consumere noli
 Florem æui, & placidæ præceptis truncare senectæ
 Tempora, & egregiæ delectamenta iuuentæ:
 Neu patrijs infaus te puer virtutibus obstes,
 Degeneriq. animo clara de stirpe tuorum
 Deficias, fuimus fuimus iunctissima quondam
 Pectora, & ipse mihi multum Cledonius arcta
 Nexus amicitia, subeunt collata frequenter
 Dexteræ, & exacti votis concordibus anni.
 Aspice circumstant regalia tecta cate ruæ,
 Assistunt acies, tua sunt, tibi regia tota
 Seruiet, & primos à me tibi reddet honores
 Si mutas animos, eni armipotencia Romæ
 Robora, victorumq. en tot diademata Regum
 Sub pedibus stant cuncta tuis, sequere optima prudens
 Consilia, & stultam iam sanior exue mentem.
 Vibrat in aduersos Romana potentia vibrat
 Fulmina dira manu, & crudeli morte trucidat.

Poenarum

Poenarum quicquid superest, ni perfida flectis
 Corda citò, patièrè statim : Quin dulcia vitæ
 Commoda, sublimisq. amplissima munera fortis,
 Et fastus potius lætos, pompasq. decoras
 Eligis, & Superis prudens incensa supremis
 Grata offerre paras, & Cælo viuere amico,
 Tranquillos habitare lares, & cernere vastum
 Infrà te positum summo de culmine mundum ?
 Dixerat, At sancto iamdudum flamine plenus
 Perstitit intrepidus, stabiliq. per omnia vultu;
 Haud secus ac Sticulas Ithacus delatus in oras
 Arboris adstrictus trunco, latitantia ponto
 Vitauit saxa, & viscosi murmura cantus
 Audijt illaesus : Pariter fortissimus almo
 Innixus rerum domino, & coniunctus eidem
 Pancratius, nil verba nouo plenissima furo
 Et varijs ~~mellita modis~~, nil deniq. faeuas
 Atroci cum voce minas, nil aspera ferri
 Vulnera, & igniuomas torrentes corpora flâmas
 Horruit, & sancto tales dedit ore loquelas.

Pauca quidè pleno nondum firmata sub aevo
 Tempora confiteor tibi Rex, sed spiritus alter

Intus

Intus alit, grandesq. animos, & fortia firmat
 Pectora, & horrenda Regum formidine soluit.
 Ille minas, ferrum atq. faces, & spernere duos
 Tormenti angores, pulchraq. euadere laude
 Et Cælos penetrare docet, quippe inclytus inquit,
 Dum statis Regum ante oculos sæuumq. tribunal,
 Seu terrere minis, seu delinire parabunt.
 Blanditijs, falsisq. opibus, seu quicquid acerbum
 Tentabunt, nolite ira bacchante moueri,
 Neq. sanctos tormenta animos, & mortis imago,
 Neq. mundi læthalis honos fortissima vincant
 Robora, neu sæuis quid responsura Tyrannis
 Mens agitet, vobiscum adero, responsaq. vestro
 Ore dabo, dabo victricem cum laude coronam.
 Deniq. quid frustra in volucres hortamina ventos
 Proijcis, infamesq. coli pro numine Diuos
 Sæue iubes, quorum famuli si gesta sequantur
 Forte tui, imeritis exuras corpora flammis
 Egregias de se laudes, insignia facta
 Proposuisse suis: Testis Cadmeia virgo
 Et Semele, & pluuio Danae delusa sub auro
 Testis in Ægæo Latona enixa profundo,

Testis

Testis in Arcadicis virgo Tegeatica syluis ,
 Et Maia, & nitidæ quæ sumpserat ora iuuentæ ,
 Et cyeni facies, Satyriq. agrestis imago,
 Et ternæ noctes, & fictæ forma fauillæ ,
 Magni gesta Iouis . Testis Penæia Daphne,
 Et Clymene, & patrijs vates non prospera muris,
 Phæbi virtutes . Testis natura dolosa,
 Auerisq. boues , assuetaq. dextra rapinæ ,
 Mercurij dotes . Testis lasciua . Quid vltra
 Flammanti Cæsar vultu, quid Cæsaris, inquit,
 Iram acuis? mediaq. abrumpit voce loquelas :
 Ergone tantorum dominatrix maxima Regum ,
 Tot spolijs induta Ducum , tot fulgida pompis
 Roma iaces ? tuq. ò Cæsar quem bina tremiscunt
 Sidera , quem dextra venerantur supplice gentes ,
 Quà Cælum quà terra patet, despectus ab vno
 Vincêris puero ? ceptisq. ~~caecis~~ superbi
 Gloria victa fugis ? nescit temeraria nescit
 Impietas quo corda vehat, quid Cæsaris alti
 Iussa ferant, quantas magni per climata mundi
 Duxerunt strages, quantas traxere ruinas ,
 Quanto Romanos sparserunt sanguine muros .

Talibus instabat, subito cùm tristitia nosse
 Supplicia, & diris comitem se iungere poenis
 Iamdudum cupijſſe, breuemq. effundere vitam,
 Pancratiuſ narrare parans, sic incipit ore,
 Sanctorum clades. Et adhuc ora impia soluis?
 Cæſar ait, truncate caput cuiſcunq. potentis
 Imperia Auſoniæ, & Romana eſt gloria cordi.

Vix bene finierat, circum ſacrata volabant
 Corpora mille manus, mille ad fera vincula funes.
 Haud aliter quàm cùm denſis venantia ſyluis
 Agmina ſæua canum, ceruum dum detinet vnus,
 Vndiq. turba ruunt, capite hic, hic pēdet ab aure,
 Saltitat hūc illic rabiens atq. ore cruento
 Haurit vtrūq. latus, patulos furit alter in armos.
 Ducitur impavidus mediæ per millia turbæ,
 Cum ſanctis oculis (ſtringebant vincula palmas)
 Sidera ſuſpiciens, placida ſic voce precatur:
 En qui ſtellifero pro me delapſus Olympo
 Humani quantum generis premereris amore
 Monſtraſti moriens, florentes offero promptus
 Summe Deus, nullis meliores vſibus annos.
 Tū qui primæuam rexifti Chriſte iuuentam,

Et

Et cæcam de morte animam fulgore sacro
 Traxisti, & contrà horrifoni sæuiffima ponti
 Sibila, & immanes omni de parte procellas
 Firmasti, iamq. extremo in certamine pulchra
 Martyrij palma, & sacra vincere corona
 Alme paras, vultu placido quam dedico vitam
 Accipe, constantemq. animū cōtrà aspera mortis
 Spicula, & indomitos in ferrea vulnere sensus
 Suppedita, tu supremis spes vnica rebus.

Interea Angelicis ad se de millibus vnum

Mens æterna vocat, iuuenemq. accedere sanctum
 Imperat, & celeres ferri mandata per auras.
 Dic, ait, intrepido procedat in ardua vultu
 Martyria, insanosq. animo constante dolores
 Excipiat lætus, cunctis adero ipse periclis
 Cominus, & fortem præstabo per omnia mentē,
~~Cæli porta patet, stant cæci in limine primo~~
 Agmina purpurea, atque immensi Curia Cæli.
 Deniq. quo mage crescat honos, quo finiet æuum
 Posteritas deuota loco gratissima templa
 Extruet, & sanctum fugient periuria bustum,
 Vel nece vel subito Satanæ punita furore.

D

Dixerat

Dixerat. Ille parans celeres per sidera cursus
 Humanam induitur faciem, clarumq. serena
 Maiestate nitet, fulget frons candida, & altæ
 Sidereus ceruicis honos, tum crinibus aureis
 Innectit radios, vestem plus Sole micantem
 Cingitur, & geminas humeris accommodat alas :
 Inde per ætherei spatiosa volumina Cæli
 Fertur ouans, findens nebulas rapidoq. volatu
 Præteriens natos iisdem sub partibus Euros.
 Constitit aspecto iuvene, atq. incredula turbæ
 Corda oculosq. ligans (neq. enim spectare dabatur
 Siderei secreta poli) sic vocibus infit.
 Nuntius has Patris æterni delapsus ad oras
 Ad te, sancte puer, supero sum missus Olympo;
 Impauido iubet esse animo, insanosq. dolores
 Pectore constanti excipere, innatumq. vigorem
 Continuare, aderit magnis Deus ipse periclis
 Cominus, & fortem præstabit in omnia mentem.
 Cæli porta patet, iam iam te in limine primo
 Agmina purpurea clarum lucentia palma
 Expectant, simul ipsa parens castissima Virgo,
 Et Cherubim, & Seraphi atq. immensi Curia Cæli.

Deniq.

Deniq. marmoreo faciet reuerentia busto
 Insolitusq. accrescat honos, & sancta propago
 Ipso quo morière loco gratissima templa
 Extruat, & falsum sacratas quisquis ad aras
 Iuraturus eat, cælestia fulmina demens
 Sentiat, & scelerata priùs quàm dextera tangat
 Interiorem adytum, trepidantibus vndiq. membris
 Corruat exanimis, vel dæmona protinus atrum
 Sentiat internos agitantem in corpore sensus

Conticuit, rapidaq. volans super æthera penna
 Multa mouentem animo confirmatumq. reliquit
 Intrepidum mortis iuuenem: Cum fortè petitos
 Deueniunt fera turba locos: Stant plurima vulgi
 Agmina densato circumuallantia gyro.
 Hæferunt quicunq. hilaris decora alma iuuentæ
 Et teneras in fune manus, & eburnea colla
 Viderunt læuæ maculanda aspergine cædis,
 Iamq. inter sese varia formidine mussant
 Intenti, & tacitus subrepserat omnibus horror,
 Et lachrymis os omne madet, stant pectore matres
 Attonito, paruosq. vetant attendere natos;
 Cùm corde immoto atq. oculis in sidera fixis

Colla

Colla dedit, promptusq. exerto subdidit ensi :
 Ipsa etiam truculenta alias hic dextra ministri
 Contremuit, traxitq. moras, candentia tandem
 Colla fecat : Largi puro de sanguine riui
 Exiliūt, gemitusq. novos, noua in agmine magno
 Excitant lamenta, nouas in corde querelas :
 Dum Cælis anima, & sanctis amplexibus almi
 Excipitur sponsi, supremâq. arce locatur,
 Octauilla potens opibus clarôq. relucens
 Sanguine, corpus habet, tumuloq. attēta recōdens
 Marimoreo, Assyrij donum superaddit amomi.
 Gaude, & perpetuo foelix per sæcula Cælo
 Æternum fruire, & duros perpeffe labores
 Exulta, & mundi falsa de sorte triumphâ :
 Gaude iterum, tuus ecce polo terrâq. nouatur,
 Et maior succrescit honos, En ardua surgunt
 Tempia tibi, & cellas murorum machina rubes
 Excrescens æquare parat, parat inclyta virtus
 Atq. ingens L V D O V I C I animus delubra
 triumphis
 Responsura tuis, æui monumenta futuri :
 Admotas en mille manus, en vertice summo

Subsidunt montes, iussuq. potente vehuntur
 In valles, vt plana tuas patefiat ad aras
 Semita lata pijs, largos en vndiq. pândit
 Thesauros generosa manus, en regia virtus
 Emicât, immensumq. volat vulgata per orbem.
 Hic est Sicanias quem dum veherêre per oras,
 Sancte puer, post tot venturum sæcula, sacros
 Restaurantem adytus, spirantemq. alta parentum
 Stēmata, cūq. suis, quas gestat, TVRRIBVS arces
 Scanfurum æthereas, præfaga mente videbas.



Finis Libri Posterioris.

Pag. 9. vers. 9. Lybia. & vers. 22. Lybia. Lege Libys, & Libya.

Pag. 16. 29. & 31. adytus, & adytum, lege aditus, & aditum.

*Pag. 2. Ditrinit,
 leg. Separus.*



